

Bazimisele ngamanzi

NAKUBA abengamele ukusabalaliswa kwamanzi e-sifundazweni bebike inzuzo ngonyaka odlule, base-neziselelo ukuwafinyelelisa kuzo zonke izindawo

INHLANGANO eyengamele ezamanzi KwaZulu-Natal, uMgeni Water izonxusa u-Ngqongqoshe wezoHulumeni baseKha-ya nezoMdabu, uMnuz Mike Mabuyakhulu, aqinisekise ukuthi isabelo-mali samanzi esiqhamuka kuHulumeni omkhulu nowesifundazwe, sisingathwa ngendlela efanele ukuze amanzi afinyelele kuwo wonke amagumbi aKwaZulu-Natal

Lesi sinqumo siyingxenywe yeziqukethwe embikweni woMgeni Water okhishwe kuleli sonto esithangamini sabezindaba eThekwini.

Okunye okuphezulu ezinhlelweni zoMgeni Water wukusheshisa izingqala-zizinda zokuqinisekisa ukusatshalaliswa kwamanzi njengokwakhiwa kwamapayipi, ukuhlanganisa izinhlelo eziningi ezihlangene nentuthuko ethinta amanzi esifundazweni.

UMgeni Water uhlela nokusebenza nomNyango wezemiSebenzi yomPhakathi KwaZulu-Natal o-

hlelweni olubizwa nge-Expanded Public Works Programme ekulweni nendlala.

Inselelo enkulu esabhekene noMgeni Water, wukusweleka kwamanzi namapayipi KwaZulu-Natal nase-Eastern Cape lapho kubikwa ukuthi amanzi atholakalayo angaphansi kuka-88%.

Kwenzeka lokhu nje, umbiko wale nhlangotho wonyaka wezimali odlule, ukhomba ukusebenza ngendlela encomekayo nekhqiize inzuzo. Ngo-2008 inani lamanzi adayisiwe lenyuke ngo-8% lisuka kuma-kilolitre awu-374-million ngo-2007 lafika kuma-kilolitre awu-404-million.

Kunjalo nje, izindleko zokukhiqiza amanzi zehle ngo-7% zisuka ku-R2,18 i-kilolitre ngo-2006/07 zaba nguR2,02 i-kilolitre ngo-2008.

Isimo sezimali sikhomba izinga lokuzibophezela koMgeni Water ekuhlangabezaneni nasekweneliseni izidingo zomphakathi ngokwemi-



UMNUZ Mzimkulu Msiwa oyiChief Executive Officer yaMgeni Water

yalelo kaHulumeni.

Iyaqhubeka futhi le nhlangotho nohlelo lwentuthuko lweminyaka emihlanu. Kunesamba esilinganiselwa kuR1,7-billion esihlinzekelwe uMgeni Water ukuthi wenze isiqiniseko sokuthi amanzi ayafinyelela kuHulumeni waKwaZulu-Natal, koMasipala abayi-6 nezinye izinhlelo ezengamele amanzi.

